

爲難故曰正言若反也

和大怨章第七十九

和大怨必有餘怨安可以爲善是以聖人執左契而不責於人故有德司契無德司轍天道無親常與善人

恩不及則成怨是怨生於恩也積小以成大故曰大怨也和怨者必以恩而和之以德而釋之或可解之豈能盡無怨乎蓋恩之與怨生於妄也然吾性分之中本無恩怨若以恩而和怨是猶未離其妄宜乎有餘怨矣餘怨尙有安可以爲善契者鑄玉剖木皆可爲以爲信也名曰信符用兵出使皆用之君執其左臣執其右執左契右契來則合之信之而不疑

道藏輯要

道德下經釋辭

幸

心集九

惟知有契而不擇人故曰而不責於人也竊嘗思之聖人之待天下何恩何怨惟德是施以信待人而人自然感化故恩不結而自有怨不和而自消亦猶執左契以合右契恩乎怨乎於我何有故有德者如契之無私無德者服聖人之化亦能循途守轍而不失道路之正故聖人亦與之故曰天道無親常與善人也

小國寡民章第八十

小國寡民使有什伯之器而不用也使民重死而不遠徙雖有車輿無所乘之雖有甲兵無所陳之使民復結繩而用之甘其食美其服安其居樂其俗鄰里之相望雞犬之聲相聞民至老

死不相往來

五人爲伍二伍爲什五伍二十五人爲隊四隊爲伯器謂兵器也百里之地小國也人民尙少先君創之於前子孫繼之於後無有制作之志惟安其祿位而已雖有什伯之器亦不用也而民亦安其分樂其業守其常重其死不忍背我而遠徙於他國雖有車輿無所乘之以其無遠徙故也雖有甲兵無所陣之以其無攻戰故也惟使其民返樸還淳以復上古結繩之治力田以甘其食蠶桑以美其衣守分以安其居敦實以樂其俗鄰里之相望雞犬之聲相聞無欲無求各安其業白幼至老不相往來麋鹿其心駒犢其志若此謂之至德

道藏輯要

道德下經釋辭

圭

心集九

之世熙熙然皞皞然太古之民也

信言不美章第八十一

信言不美美言不信善者不辯辯者不善知者不博博者不知聖人不積既以爲人已愈有既以與人已愈多天之道利而無害聖人之道爲而不爭

真實之言簡淡似不美便佞之言文飾似美也善者無人我無分別與物無爭故不辯辯者好是非多分別致爭之由故不善知者言簡當事直述似不博博者溺文辭尙名數故知少聖人與世同貧而不同積故曰聖人不積以教養萬民爲心以化成天下爲念枉己以從人曲己以全物故天下愈尊